



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat De Sacramentis, & Censuris

Viva, Domenico

Patavii, 1723

Art. VIII. De Impedimento Criminis, & Raptus.

urn:nbn:de:hbz:466:1-40650

& Novercam ; simul tamen præcipit, ne hujusmodi matrimonia ante talem prohibitionem contracta dissolvantur ; quod evidenter demonstrat, talia matrimonia non esse jure naturæ irrita .

V. Quæritur secundo ; Quem effetum pariat affinitas superveniens matrimonio ; Verbi gratia, si Titius committat incestum cognoscendo sororem, vel consobrinam suæ uxoris ?

Respondeo , duplicem esse effectum talis incestus ; Primus est, quod Titius non possit petere debitum a sua uxore , antequam dispensetur, saltem a Mendicante privilegiato ; quamvis possit, & teneatur reddere debitum . Secundus est, quod mortua uxore, non possit aliam ducere , ex cap. 1. de eo , qui cognovit consanguineam ; quod si aliam ducat, non potest ab ea petere debitum : Quamvis hæc poena ex Sanch. lib. 7. disp. 17. non sit in usu .

ARTICULUS VIII.

De Impedimento Criminis,
& Raptus .

I. Crimen Homicidii , Adulterii , & Raptus matrimonium dirimunt .

II. Plura requiruntur, ut Homicidium pariat hunc effectum .

III. Quid requiritur, ut Adulterium dirimat Matrimonium ?

IV. Promissio facta a Tito famine de illa descendit post mortem sue uxoris est illicita simul , & invalida .

V. Rapius quid sit ? Et quando matrimonium dirimat ?

VI. Validum est matrimonium inter Raptorem , & Raptam, si ea volente, & invitis dumtaxat parentibus rapiatur .

I. Impedimentum Criminis est Ecclesiasticum ; unde apud Infideles matrimonium non dirimit . Cri-

men autem, quod inter fideles matrimonium dirimit , duplex est iure antiquo, videlicet Homicidium, & Adulterium, quibus jure novo ex Trident. additum est tertium , videlicet crimen Raptus .

II. Quæritur nunc primo ; Quænam conditiones requirantur, ut homicidium dirimat matrimonium ?

Respondeo cum Bonac. , & aliis communiter , ad hoc , ut matrimonium Titii, verbi gratia, cum Teresia sit invalidum, requiri primo, ut Titius occiderit Bertam suam uxorem , vel per se, vel per alium : (& eadem est ratio , si Berta occiderit suum maritum , ut invalide cum alio contrahat) Secundo, ut tam vir, scilicet Titius, quam foemina, videlicet Teresia , qui matrimonium contrahunt, conspiraverint in mortem primæ uxoris, puta Bertia ; unde si solus Titius, vel sola Teresia machinata sit mortem Bertia , matrimonium non dirimitur , nisi quando cum homicidio simul intercessit adulterium . Tertio , ut machinatio mortis Bertia facta sit ad eum finem , quod contrahatur matrimonium cum Teresia . Addit Perez , & Vasq. quod quando committitur ab his homicidium cum intentione contrahendi matrimonium, talis intentio debeat manifestari exteriori, ut talem poenam inducat . Ratio est, quia cum Ecclesia non judicit de internis, non apponit impedimenta matrimonii propter solos actus internos .

III. Quæritur secundo ; In quibus casibus adulterium dirimat matrimonium ?

Respondeo, dirimere matrimonium primo, quando præter adulterium intervenit homicidium alterius conjugis commissum ad hunc finem, ut inter adulterios matrimonium contrahatur, ut modo diximus . Secundo, quando præter adulterium intercedit, seu potius

ius intentatur matrimonium inter adulteros, vivente conjuge alterius; requiritur tamen, ut uterque conscient sit, quod copula, quam habent, sit adulterium, eo quod conjux alterius sit superstes. Tertio, quando praeter adulterium intervenit promissio matrimonii inter adulteros, sive promissio facta sit ante, sive ab uno tantum adultero, sive ab utroque, ut docent communiter contra Henr.; dummodo promissio non fuerit facta, ut docet Bonac. contra Sanch., & fuerit acceptata.

IV. Norandum tamen, quod si Titius promittat Teresiæ matrimonium contrahendum post mortem Bertæ suæ uxoris, peccat tam Titius promittens, quam Teresia acceptans, ut docent communiter cum Sanch. ex cap. final. de eo, qui duxit in matrimonium. Ratio est, quia daretur ansa captandæ mortis Bertæ; immo talis promissio non solum est illicta, sed etiam invalida, ex Sanch., & Bonac.; cum jus tali promissioni resistat, ex leg. final. ff. de Pactis.

V. Quæritur tertio; Quid sit Raptus, & quando dirimat matrimonium?

Respondeo, Raptum esse proprie, quando Persona aliqua per vim de loco in locum adducitur, ut Raptor illam habeat in sua potestate: In hoc enim Rapina distinguitur a furto, quod per Rapinam inferatur vis aut Domino, aut illi, cui res, quæ surripitur a Domino, commissa est; secus vero per furtum: Quare si Titius rapuit hoc pacto Bertam, ipsa repugnante, vel causa matrimonii, vel saltem (ut docet Sanch., & Sa contra Perez) causa libidinis, matrimonium cum illa est invalidum, donec Berta extra Titii potestatem adducta, ac loco tutto, & libero restituta, plene liberè in illud consentiat; tunc enim valide contrahunt, ex Tridentino less. 24. cap. 6.: Ubi additur, quod Raptor

Pars VII.

debeat illam dorare arbitrio Judicis, sive eam ducat, sive non; & tam Raptor, quam præbentes illi auxilium, aut favorem ipso jure sint excommunicati, & perpetuo infames, ac omnium dignitatum incapaces. Omnes tamen hujusmodi penæ requirunt sententiam Judicis, ut incurvantur; prout docent communius cum Sanch. disp. 13., praeter excommunicationem, quæ incurritur ipso facto.

VI. Quæritur ultimo; An si fœmina rapiatur ipsa volente, sed parentibus invitatis, matrimonium dirimatur?

Respondeo cum Sanch. loc. cit., Hurt., Con. contra nonnullos, matrimonium inter Raptorem, & sic raptam non esse irritum; quia Trident. suo decreto constituerit hoc impedimentum voluit tantum consulere libertati matrimonii, ad quam solius fœminæ liber consensus requiritur.

ARTICULUS IX.

De Impedimento disparitatis Cultus.

- I. Matrimonium fidelis cum non baptizato est irritum; cum hereticis tandem est illicitum: esto consuetudine in multis locis permittatur, si non sit periculum perversio; nec patrum ineatur, quod aliqui ex filiis heresi adhærent.
- II. Si alter ex conjugibus Infidelibus ad fidem convertatur, dissolvitur vinculum conjugale, si nolit alter sine injuria Creatoris cohabitare, aut si simpliciter cohabitare nolit.
- III. Si tamen velic cohabitare pacifice, probabilius tenetur fidelis discedere quoad eorum.
- IV. Horum filii, si careant usu rationis, conjugem fidelem sequi debent; si vero sunt prædiui usu rationis, liberum est illis sequi parentem, quem malunt. Quod si de rationis usu dubi-

S dubi-